

嘉靖常德府志

270.207

1275

270.207

天一閣藏明代方志選刊

常德府志

一九六四年三月上海古籍
書店據寧波天一閣藏明嘉
靖刻本景印原書版框高二
一·三公分寬一四·五公分

常德府志序

案周禮大行人掌四方邦國之志說者曰
卽史也愚謂史者左右史所紀詳於人主
言動志則山川食貨刑法禮樂之類皆是
也秦燔先王典籍後世無傳焉至漢滅秦
入關蕭何先入丞相府收秦圖籍賢者韙

常德府志

序

一

其意豈不謂圖籍者王制官政所關切乎
故司馬氏史記作八書班固漢史作十志
皆王國之大政譬之人身手足耳目具而
後成人必不可闕也是故觀其志可以知
其政矣近世乃不然張皇形勝藻飾藝文
徒以備方冊之玩率非其本實耳嗚呼志

之設謂何乃亡本實至以侈觀乎不如無
志愚行部至常德府考問風俗疇咨政理
諸生乃呈郡志一編曰咸具是矣愚受而
讀之乃少司馬高吾陳公洪謨所著志凡
十目曰地理曰建設曰食貨曰學校曰祠
祀曰官守曰兵防凡疆域之經緯財賦之

劑量政教之綱維灼如指畫可備損益志
之體也曰人品則舉乎史矣曰藝文所以
徵比者也曰方外蓋國典之所不廢殆兼
苞與發凡舉例必先其大皆遷固書志之
正法一切非今人所主存也昔韓宣子適
魯見春秋曰周禮盡在魯矣今愚見司馬

公之志將謂常德何哉遂序而傳之以爲
四國式庶幾乎繁文之損自楚始矣

常德府志序

高吾先生常德府志成

中丞東橋顧公以巡撫至實序之高吾復屬邨序其後夫志史之流也故今之爲志者率倣史乃至句摹字擬附會牽合以成其書非不類例錯綜詞藻奪目要其本實

常德府志

序

一

亦且畔離何者文勝故也否則龐雜陋略或荒誕弗經立言無法敘事無紀斯其不足觀也已故嘗謂志者特史之一法耳而其義則無弗該蓋事貴詳詳則後有考焉貴實實則事可信焉其文貴有用有用則非徒作焉三者備可以言志矣是志爲綱

十爲目四十自唐虞迄今數千載片詞隻
事罔不搜括視舊所載增什六七而義例
精確論辯簡明雖不必於史而未嘗不得
於史間有繁而不殺則其民生日用之關
風俗政治之係勸懲鑒戒之切見聞智慮
之周因事備書類皆鑿鑿讀者非身履而

目擊未必知此志之善也前巡撫三山林
公業以幣請先生屬筆乙未某月開局凡
三閱歲書成郡博士弟子數人給役門下
操筆札覩先生一稿或累日不脫先生於
是亦谷心矣先生嘗帥漳作漳志故方伯
翠渠周公實揚推焉先生序之謂惟以修

明治道利益生民為本今於是志也得無
漳之遺矩歟顧邶懜陋不足以聞非若先
生之於翠渠也雖然竊有感焉昔者聖人
論禮惜杞宋無徵豈不以文獻之為重也
今夫常德者非楚極敝之郡也耶前是亦
可知矣然使為政者因志考求而損益之

庶幾治理之得而非空言譬之越人之方
既按非膏肓骨髓之痼孰謂其無可起也
邶也玩愒有餘媿焉會有武昌命茲於去
郡不能不惓惓庸書此附末簡後之君子
亦必有感云先生陳氏武陵人嘗讀書高
吾山中學者稱高吾先生方以兵部左侍

郎家居

嘉靖戊戌夏四月吉旦

賜進士出身中順大夫武昌府知府前知
常德府事嘉禾後學陸垹謹序

修志凡例

一郡志前代無所考我

朝永樂中通判陳君志明嘗一纂輯成化中知府楊君宣再輯然皆擴摭弗周因陋就簡無以稱一方盛典今廣集群書細加掇括凡有關於郡邑事者悉在所錄云

一志必有統紀而後其事順其義明今為十志曰地里曰建設曰食貨曰學校曰祠祀曰官守曰兵防曰

常德府志

凡例

乙

人品曰藝文曰方外其綱也地里之類八建設四食貨五學校三祠祀三官守三兵防四人品六藝文二方外二其目也蓋先王畫地經野以建邦國各相度所宜故首之以地里有地必有人以居之

藩封為重公署次焉故繼之以建設有人必有養繼之以食貨有養而後教立繼之以學校教立則禮樂可興繼之以祠祀治民事神有司是任繼之以官守文事武備相須繼之以兵防地以人勝雖所產不同

皆山川所鍾繼之以人品志雖主記事亦無記言之體繼之以藝文釋老國典不廢終之以方外亦外之也所謂統紀者如此

一十志各冠以一序而其類之首亦有小序其意惟以明治道利民用示勸戒爾已非徒以辭說為也

一山川若府前大江及城北長坡諸山皆形勝所在舊志略之今並增入

一風俗形勝皆用前人成語庶有案據

一坊鄉舊志以科甲諸坊混入緣坊鄉止以別里名科甲等坊宜附其後所以昭人文也

一歷官舊志無載惟錄漢守令陸康以下至元末僅三十九人為名宦今考諸群書得守令王堂以下共一百六十餘人其姓名同而涉疑者不敢汎錄若功德尤著者則列于名宦洪武以後尤詳皆所以備檢閱也其有奉命勾當於一時雖非守令比亦不可不錄又得三十餘人宜並存于篇云

一名宦書其去任鄉彥書其終世以論定也若名宦
猶遷轉仕途者惟於歷官下見之嫌於諛也

一節婦雖未經旌表但有實行鄉黨稱之無間言者
宜在所錄揚幽芬厲風化也

一藝文舊志所載若異瑞諸詩文多鄙陋而太白木
瓜山詩則在真州如此類者並宜刪去今所錄惟有
關於風土及可備志之闕略者其他雖工弗錄
一事與人稍異難入本類者別為摭遺於末

嘉靖乙未歲仲秋哉生明郡人高吾陳洪謨識

常德府志目錄

卷之一

地里志

沿革

分野

形勝

風俗

卷之二

地里志

山川

城池

常德府志

目錄

乙

卷之三

地里志

坊鄉

古蹟

卷之四

建設志

藩封

公署

卷之五

建設志

關梁

宮室

卷之六

食貨志

戶口

田賦

卷之七

食貨志

土貢

徭役

卷之八

常德府志

禮
目錄

二

食貨志

物產

卷之九

學校志

儒學

社學

書院

卷之十

祠祀志

壇壝

廟宇

丘墓

卷之十一

官守志

職貢

卷之十二

官守志

歷官

卷之十三

官守志

常德府志

目錄

三

名宦

卷之十四

兵防志

軍政

陰叙

屯田

戍守

卷之十五

人品志

政行

卷之十六

人品志

科貢

卷之十七

人品志

寓賢

列女

卷之十八

藝文志

常德府志

目錄

四

紀述

卷之十九

藝文志

賦咏

卷之二十

方外志

寺觀

仙釋


拾遺附

常德府圖

東到岳州府四百零五里 東至府界本縣明京看至里 東南到長沙府三百九十里

北到澧州府一百一十五里 北至岳州府九十里 北到澧州府一百一十五里 北到澧州府一百一十五里

西北到澧州府一百一十五里 西至府界本縣明京看至里 西到辰州府三百八十里



南到長沙府三百九十里 南至府界本縣明京看至里 南到長沙府三百九十里 南到長沙府三百九十里